



REGLANAN PA

# EMPRESANAN DI HÓREKA I MEDIO AMBIENTE

Nos isla,  
nos responsabilidadat



INFORMATIEPUNT

**Milieu**

# Introdukshon

Den e foyeto akí bo ta haña un bista general di e 10 puntonan di atenshon mas importante riba kua ku empresanan di hóreka mester enfoká i tuma medida pa protehá medio ambiente. E puntonan akí ta forma base di e inspeksionnan ku Direktorado di Supervishon i Mantenshon di Lei ta ehekutá. Si bo ta kumpli ku e 10 puntonan akí, e ora ei bo a pone un paso importante den kumplimentu ku e Dekreto di Establesimentu i Aktivitat BES.

Entrante 1 di aprel 2024 e Dekreto di Establesimentu i Aktivitat BES a drenta na vigor. Esaki ta nifiká ku tur empresa (òf mihó bisá: establesimentu) mester tuma medida pa protehá medio ambiente. Dependiente di e tipo di empresa, mester tuma mas òf ménos medida pa protehá medio ambiente.

Den regulashon ta hasi uso di un repartishon den kuater tipo di empresa. Empresa tipo 1 ta por ehèmpel ofisina i empresa tipo 4 ta por ehèmpel e empresanan di almasenamentu di zeta kaminda nan ta almasená kantidatnan grandi di kombustibel.

Mayoria empresa di hóreka ta e asina yamá empresa tipo 2. E empresanan akí no tin mester di un pèrmit di medio ambiente, pero pa nan ta suficiente pa hasi un notifikashon. Sierto empresanan tin riesgo èkstra òf ta situá den un área spesial di naturalesa i pa e motibu akí nan ta un empresa tipo 3. Por ta ku ta kualifiká bo empresa tòg komo tipo tres i pues komo un empresa ku tin obligashon di disponé di un pèrmit.

E wèpsait di e **Punto di Informashon Medio Ambiente** na Kámara di Komèrsio ([www.infomilcn.com](http://www.infomilcn.com)) ta duna mas informashon tokante e repartishon di tipo. Via e wèpsait akí bo por hasi un notifikashon òf entregá un petishon na Entidat Públiko Boneiru.



## 1 Kuida medio ambiente



**Komo empresa mas tantu posibel bo ta evitá daño na medio ambiente.**



Bo ta hasi esaki pa medio di 'good housekeeping', of: sòru pa bo empresa ta den bon kondishon i mantené esaki asina. Ta trata akí di tuma medida tantu tékniko komo organisatorio. Bo ta sòru pa un bon mantenshon di bo mashinnan i aparatonan. Tin palabrashonnan bon kla tokante ken ta responsabel pa esaki. E empleadonan ta haña informashon tokante e motibu pakiko mester tuma medida i nan ta haña instrukshon tokante kon ta evitá daño na medio ambiente. Bo ta sòru pa tur empleado kumpli ke e instrukshonnan.

## 2 Kolektá shushi den forma separá



### Mester warda shushi den forma separá den bo empresa.




Ta trata en todo kaso di papèl i karton, plèstik, aluminio i glas. Sòru pa baki di shushi apart pa e diferente tiponan di shushi. Asina tantu biaha ku ta nesesario mester hiba e shushi na un kompania rekonesé ku ta prosésá shushi. E shushi no tin mag di okashoná molèster di holó.


*Sustansianan peligroso mester wòrdu deshasí di nan separadamente.*

## 3 Awa shushi

Vèt i zeta




### Awa shushi di den kushina ta kontené vèt òf zeta.



Si bo ta konektá riba kloaka, e vèt akí por okashoná ku e kloaka ta vèrstòp. Si bo ta konektá riba un 'septic tank', e ta okashoná ku e konekshon ta vèrstòp i e ta stroba funshonamentu di e 'septic tank'. Pa e motibu akí mester kondusí e awa shushi di kushina atraves di un separadó di vèt. Despues di esei por laga e awa shushi akí bai den kloaka òf den e 'septic tank'. Kada tantu tempu mester hasi e separadó di vèt bashí pa garantisá un bon funshonamentu. Bo por laga un kompania spesialisá hasi esaki.

# 3 Awa shushi

Berpùt



**Ainda bo tin un berpùt?**

E ora ei promé ku 1 di yanüari 2029 mester remplasá esaki ku un 'septic tank' òf ku un konekshon riba kloaka.


# 4 Prevení molèster di zonido



**Mas tantu posibel mester prevení molèster di zonido, i si esaki no ta posibel mester limitá e molèster.**

Konosementu di e kantidat di zonido ku ta keda produsí ta un bon komienso pa manehá e riesgo: bo mester midí pa bo sa. A base di esaki bo por tuma medida tékniko òf organisatorio. Riba tereno tékniko bo por investigá si por prevení e zonido den direkshon di terseranan pa medio di konstruí algu ku ta wanta e zonido. Por ehèmpel un muraya di betòn. Un otro posibilidat ta pa ahustá e instalashon di zonido. Den kaso di medida organisatorio bo por pensa riba: keda den kontakto ku e bisindario, informá e bisindario ora tin un evento òf fiesta, limitá e kantidat di ora ku tin zonido i tene kuenta ku trankilidat den mardugá.


## 5 Prevení molèster di holó



**Mas tantu posibel mester prevení molèster di holó.**

Mester evitá molèster di holó den bisindario di bibienda, skol, hòspital, kas di kuido, akohida pa mucha, ofisina, hotèl, supermarket, tienda i tereno di rekreashon mas tantu posibel. Medidanan ku bo por tuma ta instalashon di aparato riba stof pa saka holó fo'i den kushina ku filter di aire i un pipa haltu pa manda e holó afó (2 meter riba e daknan den serkania).

## 6 Instalashon pa fria



**Por lo ménos un biaha pa aña bo tin ku laga un kompania ku nan ta konsiderá komo eksperto inspekshoná bo instalashon pa fria.**


Èrko, frishidèr i frizer ta hasi uso di un asina yamá refrigerante.

Mayoria di e refrigerantenan ku nan ta usa ta venenoso, i/òf fásilmente inflamabel i dañino pa medio ambiente. Pa mantenshon di instalashonnan pa fria ku refrigerante tin reglanan spesial na vigor. Esaki ta wak si e instalashon ta funshoná den un forma seif ainda i si tin lèk den e sirkuito di fria. Ta importante ku semper e instalashon pa fria ta bon alkansabel, pa operashon, inspekshon i mantenshon. Bo mes no tin mag di saka e refrigerante for di un instalashon pa fria. Warda e rapòrtan di mantenshon serka e instalashon òf den bo empresa.

# 7 Instalashon pa paga kandela




**Pa por paga un kandela ku ta kuminsando, mester tin suficiente aparato (portatil) pa paga kandela presente.**



E aparatonan pa paga kandela mester ta bon visibel pa tur hende i fásilmente alkansabel. E aparatonan pa paga kandela mester ta kologá na un luga fiho. Anualmente un eksperto tin ku kontrolá e aparatonan pa paga kandela i e mester pega un steker di inspekshon riba nan. Den kaso ku a instalá un instalashon pa paga kandela.

# 8 Bòter di gas




**Semper warda un bòter di gas pará règt riba su kurpa, di manera ku e siguridat ku ta presente den e bòter por funshoná bon.**




Pa kushiná, frekuentemente nan ta hasi uso di gas di propano den hóreka. Gas di propano ta un supstansia peligroso i ta rekerí medida spesial. E bòternan di gas mester ta sigurá kontra kaimentu, pues nan mester ta bon wantá. E bòternan no tin mag di para den solo, pone nan bou di un afdak. Si tin mas ku un bòter di gas wardá den kurá (no pegá na un aparato ku ta usa gas), mester konstruí un fasilidat ku ta seif kontra kandela. Mas informashon tokante e fasilidatnan di almasenamentu akí por haña riba [www.infomilcn.com](http://www.infomilcn.com).

## 9 Almasenamentu di supstansia peligroso



**Hopi biaha tin mas supstansia peligroso presente den bo empresa, ku bo mes ta konsiente di dje.**



Banda di produktonan korosivo di limpiesa, ta trata e ora ei di supstansianan inflamabel manera fèrf, terpentina i kombustibel. Mester almasená tur supstansia peligroso den un fasilidat ku ta destiná pa esaki. Inkuso baki pa lèk den kaso di líkidonan ku eventualmente a plama.

*Sustansianan peligroso mester wòrdu deshasí di nan separadamente.*

## 10 Plèstik ku ta usa un biaha so



**E idea ta pa hasi ménos uso posibel di plèstik ku ta usa un biaha so.**



Den e kuadro akí Entidat Públiko Boneiru a wak huntu ku e importadónan pa kua produkto tin alternativa. Pa saku, richi i kos pa drai bibida di plèstik i baki di kuminda di fom, tin alternativa optenibel. Pa e motibu akí ta prohibí pa bende òf duna saku, richi i kos pa drai bibida di plèstik i baki di kuminda di fom.

## Na unda ta haña e reglanan di lei

Riba [wetten.overheid.nl](https://wetten.overheid.nl) i [lokale.overheid.nl](https://lokale.overheid.nl) por haña tur regulashon nashonal i insular. Por haña e reglanan den tantu e Dekreto di Establesimentu i Aktivitat BES (Inrichtingen- & Activiteitenbesluit BES – IAB) komo den e Areglo di Establesimentu i Aktivitat BES (Regeling inrichtingen- en activiteiten BES – RIA BES). Den e ordenansanan insular tambe por tin regla ku ta na vigor, manera e ordenansa di shushi i e ordenansa di awa shushi.





INFORMATIEPUNT  
**Milieu**

**Na unda bo ta  
haña nos?**



Kamer van Koophandel Bonaire  
Kaya Amsterdam 23, Bonaire, CN



[informatiepuntmilieu@kvkbonaire.com](mailto:informatiepuntmilieu@kvkbonaire.com)



[www.infomilcn.com](http://www.infomilcn.com)

#### **Orario**



Habrí durante dianan di trabou  
entre 08.00 or pa 12.00 or